



Inatsisartunut ilaasortaq Sara Olsvig, Inuit Ataqtigiit

**2015-imi novembarip naalernerani Tunumi piterarnera pillugu § 37
naapertorlugu apeqqutinut nr. 2015-287-imiittunut akissutit**

Brevdato: 22-12-2015
Sags nr. 2015 - 16485
Dok. nr. 1844068

Inatsisartut suleriaasissaanni § 37 naapertorlugu 2015-imi novembarip naalernerani Tunumi piterarnera pillugu Naalakkersuisunut imaattunik apeqquteqarputit. Apeqqutigisatit ataatsimoortillugit akissavakka.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

- 1) Tunumi piterarnerup kingulliup illunik, angallatinik atortunillu allanik annertuumik aseruisimasup kinguneri tamakkiisumik qanoq ippat kikkunniillu misissorneqarpat?
- 2) Naalakkersuisut qanoq iliuseqarniarpat?
- 3) Innuttaasut eqqugaasut sumut naammattumillu saaffissaqarpat?
- 4) Innuttaasut illuminnik angallatiminnilluunniit aserortoortut qanoq ikiorserneqarsinnaappat?
- 5) Pinngortitami sakkortuumik ajunaarnersuartoqartitsisinnaasumillu pisoqartillugu kommunet Namminersorlutillu akornanni akisussaaffiit qanoq agguataarsimappat?
- 6) Piteqqami pineqartumi kommunep iliuseqarfigisinnaanngisai Namminersorlutik Oqartussanik qanoq iliuseqarfigineqassappat?

Akissutit:

Kommunip Tunumiunut ajornartorsiulersimasunut taamatutaaq inissiat anorersuarmik ajoqusernerisa kingunerisaannut qanoq ikiuunnissaanut tunngatillugu Naalakkersuisut allattoqarfiata aamma Kommuneqarfik Sermersuup akornanni oqaloqatigiittoqarpoq. Isumaqatigiissutigineqarpoq kommuni ajorqusikkat, taamatutaaq inuussutissarsitugalugu angallatit, annertussusiannik paasiniaassasoq, tamakkulu Aalisarnermut, Piniarnermut Nunalerinermullu Naalakkersuisoqarfimmut nalunaarutigalugit.

Taamaalilluni Kommuneqarfik Sermersooq ajoqusernernik tamarmiusunik misissuissussanngorpoq. Paaseqatigiissutigineqarpoq kommuni inunnut anorersuup kingunerisaanik illui ajoqusersimasunut sillimmasiisarnermik aaqqissuussinermut ilaanngitsunut ikiuuttussaammat.

Naalakkersuisut ulloq 17. december ilassutitut aningaasaliissutissanik qinnuteqaat Aningaasaqarnermut Akileraartarnermullu Ataatsimiititaliamut suliassanngorlugu nassiunneqarsimasoq akuersissutigaat, tassani konto pingaarneq 51.01.04-imut, aallartitseqqinnermut tapiissutit, 500.000 koruuninik aningaasaliisoqarnissaa qinnutigineqarluni. Ilassutitut aningaasaliissutissanik qinnuteqaat Aningaasaqarnermut Akileraartarnermullu Ataatsimiititaliamit ulloq 18. december akuersissutigineqarpoq.

Aningaasaliissutit taamatuttaaq piterarnerata novembarip naalernerani Tunumik eqquisup kingunerisaanik aalisartut piniartullu ajutoornernik nalaataqartut aallarteqqinnissaannut tapiissutitut atorniarneqarumaarput. Peqatigitillugu konto pingaarnermut oqaasertaliussassat ilanngunniarneqarput, taakkunuuna Naalakkersuisut 2015-imiit 2016-imut aningaasaliissutinik atorneqanngitsunik nuussisinnaatitaassammata.

Pinngortitami ilungersunartumik pisoqartillugu imaluunniit pinngortitami ajunaarnersuaqartillugu kommunit aamma Namminersorlutik Oqartussat akornanni ajoqusikkanut inuit ataasiakkaat nalaataannut assersuutigalugu inigisaasa imaluunniit inuussutissarsiutigalugu angallataasa ajoqusernerinut akisussaaffiit pisortatigoortumik agguarneqarsimanngillat. Inigisamik pigisanilluunniit allanik silamik assigisaanilluunniit pissuteqartumik ajoqusernernut sillimmasiineq tunngaviatigut inuit ataasiakkaat sillimmasiisarnernillu aaqqissuussinernik neqerooruteqartartut akornanni suliassaapput.

Apeqqutigisavit kingusissukkat akissuteqarfiginerat utoqqatsissutigaaara. Akissuteqarniarluni kommunimik Naalakkersuisunillu oqaloqateqartarnerit taamatullu Aningaasaqarnermut Akileraartarnermullu Ataatsimiititaliap ilassutitut aningaasaliisutissanik qinnuteqaammik siusinnerusukkat taaneqartumik sularinninnera utaqqineqaaqqaartariaqarsimapput.

Inussiarnersumik inuullaqqusillunga

Vittus Qujaukitsoq